

Groove pub

Pello OTXOTeko

Groove pub

Zutabe guztiak mugitzen ziren
argi gorriaren pean
taberna ilun hartan.

Ez zegoen itzalik
ez dirdal sendorik
kea ez besterik.

Sweet Jean!!
Musurik ez maite,
garagardo bat baino ez.

Zigarro txingar gorriak
begi-ninien sakonean
arrastiriko eguzkiak ziren
kantoiko bazter ezkutuetan.

Etzaldan eskurik sar
arnasa lasai har dezadan.
Sweet Jean!!
Musurik ez maite,
trago bat baino ez

Gaztearen izpiritua

Gaztearen nahia
baldekadaz betetzen da,
izan ere, hain da sakona bere hondoa...
gaztetasunak berak
ezin baitezake bete
barrunbe honen irritsa.

Gaztearen grinak
horzkada jarraletan baino ez
lor্তু ohi dira.

Traba gutxiko oztopoak
harrapari basatienean mende
galgarik gabe irentsiak.

Gaztearen berehalako beharrek
ez dituzte atontze-lan handirik eskatzen,
soilik sua, argia eta oihua.

Anaiarekin buruz buru uztarturik
izerdiaren partaide bihurtuko dute
lagun hurkoaren eskaintza.

Gaztearen ametsak
itsaso zabalak dira.

Norberak lehiatzen dituen
trumoi hotsezko itsaso bortitzak,
baina airearen fintasunez
munduratzen diren hats berreskuraezinak
arnasaldi bakoitzean piztuak.

Gaztearen garaipenak
heroiak bihurtzen ditu
ekintzaren egile bakoitza,
eta istant batez hauek
izar distiratsuak bailiran
taldean dira ageri.

Gaztearen desirak
mendematu gabeko mahastietan daude.
Emankortasunean hozitzen diren kimuek
amaluraren sutsutasunez bultzatuak
ez dute hodeiertzarik topatzen
etorkizunaren begiradetan.

Gaztearen izpirituak
aise bateratzen ditu
esku bakarraren ahurrean
iparraldeko eta mendebaldeko
haize eraunsi bortitzenak.

Eta ez dago munduan indar hau
geldiaraziko duen ahalmenik.

Haur eta gazte literatura